

## 放風吹

林文平

囡仔佇天頂 飼一尾鯽仔魚  
予我看著快樂 佇天頂泗來泗去  
藍藍的天 是藍藍的海  
闊闊的天 有闊闊的歡喜  
恁爸爸媽媽的面仔 笑嘻嘻  
囡仔共伊的歡喜扭牢牢  
叫風替伊伴奏 叫雲替伊伴舞  
規家伙仔塊合唱彼條

天倫歌詩

## 來去東港

林春吉

你若是到東港 請你斟酌看  
出名王爺廟 有一座黃金大牌樓  
鎮海公園來去搵海風  
小琉球浮海面 美麗的海岸  
烏甕串油魚子蝦殼仔 好食歸大盤  
肉粿肉丸雙糕潤 古早的滋味  
你若來東港 請你相招伴  
大鵬灣騎腳踏車 予你心快活

## 春風吹你的笑容真美麗

嚴詠能

春風吹 妳的笑容真美麗  
春風吹 菜籽仔 發新芽  
春風吹 厝鳥仔 烏白飛  
逐著 稻草人 佇田底 覘相揣  
春風吹 妳的笑容真美麗  
春風吹 菜瓜棚開新花  
春風吹 膨風水雞 嚙嚙花  
吵著 田邊 眈龜的老阿伯

心肝的花蕊 開滿天地  
蝴蝶花蜂 請入來坐

豐收的歌詩 阮來唱 你來綴  
一陣春風吹來 感謝土地公伯  
豐收的歌詩 大大細細 團圓來做伙  
春風吹 妳的笑容真美麗

豐收的歌詩 阮來唱 你來綴  
一陣春風吹來 感謝土地公伯  
豐收的歌詩 大大細細 團圓來做伙  
春風吹 妳的笑容真美麗